



Anders Olsen, Siumut
inatsisartut@ina.ala.gl
Inatsisartunut ilaasortaq

**Nanortalimmi attaveqaasersuutininik annertusititsinissaq sumiiffimmilu
aatsitassarsiornermi piiaaneq pillugu § 37 naapertorlugu apeqqutaammut 2025-
225-mut akissut**

Dato: 10-02-2026
Sagsnr.: 2025 - 26686
ID. nr.: 79630955

Asasara Anders Olsen, Siumut

Inatsisartut suleriaasianni § 37 naapertorlugu Nanortalimmi attaveqaasersuutininik
annertusititsinissaq sumiiffimmilu aatsitassarsiornermi piiaaneq pillugu
Naalakkersuisunut apeqquteqaateqarputit. Apeqqutitit uannit akineqartussatut
innersuunneqarput. Apeqqutitit matuma kinguliani ataasiakkaarlugit allanneqarput,
akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Nanortalimmi umiarsualiveqarnikkut annertusaanissat
eqqarsaatigalugit Naalakkersuisut pilersaaruteqarpat?**

Akissut: Maannakkorpiaq Naalakkersuisut Nanortalimmi umiarsualiveqarnikkut
alliliinissamik pilersaaruteqanngillat.

Aningaasanut inatsimmi umiarsualiveqarnermut aningaasaliissutini atortuni pioreersuni
aserfallatsaaliugassat iluarsartuussassallu pisariaqartut siunnerfigineqartarput.
Sinaakkusiussat taakku iluanni nutaanik sanaartornissat alliliinissalluunniit
aningaasaliisoqarsinnaanngilaq, umiarsualivinnut pioreersunut annertuumik eqquinani
taamaaliortoqarsinnaanngimmat.

Umiarsualiviit allissutissaattut kissaatigineqartut naammassineqassappata,
tamatumunnga aningaasanut inatsimmi aningaasanik immikkut ittumik tullerilaarinissaq,
imaluunniit najoqqutassiap, umiarsualiviit namminneerlutik suliaminnut
aningaasaliinissamut periarfissiiffiusup taarserneqarnissaa pisariaqartussaavoq.
Umiarsualivissamut nutaamut aningaasanut inatsimmi sanaartornermut
aningaasartuutissanit aningaasalersuisoqassappat aningaasartuutissanit
immikkoortinneqareersunit annertuumik ilanngaasoqqaartariaqassaaq.

Umiarsualiviup nammineerluni suliani aningaasalersussappagit, tamanna
ingerlatseqatigiiffiup, soorlu Sikuki Nuuk Harbour A/S-ip (Sikuki) ataani
ingerlanneqarsinnaavoq, taamaalillunilu Sikuki umiarsualivinnik Nuup avataani
pigaqarsinnaalissaaq. Tamannali pissappat Sikuki pillugu inatsit
allanngortinneqartariaqarpoq.

Apeqquut 1 a): Nanortalip eqqaani aatsitassarsiorfinnik ineriartortoqalersinnaanera eqqarsaatigalugu Nanortalimmi umiarsualiveqarnikkut inerisaanissaq Naalakkersuisut pissusissamisoortutut isumaqarfigaat?

Akissut: Apeqqutip akineqarnissaanut Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfik oqaaseqartinneqarpoq, tassanngaanniillu ilisimatitsissutigineqarpoq:

"Nanortalimmi eqqaanilu maanna siunissamilu aatsitassarsiornermut atatillugu Nanortalimmi umiarsualiveqarnikkut pissutsit pitsaanerulersinneqarneri aatsitassarsiornermi suliffissuaqarnermut iluaqutaasussatut naatsorsuutigineqarpoq, pilersuutit, atortut, sanaartornermut atortut il.il. aatsitassarsiorfiliassanut akikinnerusumik sukkannerusumik apuunneqartarnissaat eqqarsaatigalugu.

Naalakkersuisut maannarpiaq sumiiffimmi aatsitassarsiorfinnik ingerlatsisoqarsinnaaneranut sulianut aalajangersimasunut atatillugu umiarsualiveqarnikkut annertusititsinissamik pilersaaruteqanngillat."

Apeqquut 2: Nanortalimmi suluusalinnut mittarfimmik pilersitsisoqarsinnaaneranik pilersaarummik imaluunniit paasissutissanik Naalakkersuisut pigisaqarpat?

Akissut: Ilisimatitsissutigisinnaavara Kalaallit Nunaata kujataani Qeqertarsuullu Tunuani, taakkununggalu ilanngullugu Nanortalimmi timmisartunut suluusalinnut mittarfinnik sanaartornissamut periarfissanik misissuisoqarmat.

2026-mut Aningaasanut Inatsimmi kontomi pingaarnermi 87.73.20 *Mittarfiit aaqqissuussaananerannik annertusaaneq* suliassami nr. 25.218 Nunap immikkoortuini mittarfiliornerit aningaasanik, misissueqqaarnerit pilersaarusiorterillu ingerlateqqinneqarnissaannut 2026-2029-mut immikkoortitsisoqarpoq. Suliassi pissutsit teknikkimut, angallannermut aningaasaqarnermullu tunngasut pingaarnert paasiniarneqarnissaat, taakkulu kingusinnerusukkut aalajangiinissamut tunngavigineqarsinnaanissaat siunertarineqarpoq.

Nanortalimmi mittarfiliortoqarnissaanik suli aalajangiisoqanngilaq. Tamanna aalajangiunneqassappat ataatsimut naliliinissaq apeqqutaassaaq, tassungalu 2026-mi Qaqortumi mittarfiup nutaap ammarneqarnissaa tunngavigalugu siunissami Kalaallit Nunaata kujataani sullissinissaq ilaatinneqassaaq.

Apeqquut 2 a): Nanortalip eqqaani aatsitassarsiorfinnik ineriartortoqalersinnaanera eqqarsaatigalugu Nanortalimmi suluusalinnut mittarfeqarnikkut inerisaanissaq Naalakkersuisut pissusissamisoortutut isumaqarfigaat?

Akissut: Apeqquut 2-mut akissut takuuk.

Apeqput 3: Aatsitassalerinermik ilinniarfimmik imaluunniit immikkoortortaarfimmik Nanortalimmi pilersitsinissaq Naalakkersuisut qanoq isumaqarfigaat?

Akisut: Apeqputip akineqarnissaanut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik oqaaseqartinneqarpoq, tassanngaanniillu ilisimatitsissutigineqarpoq:

"Sumiiffimmi innuttaasunut pikkorissarnernik aamma/imaluunniit piginnaanngorsarnernik ilinniaqqinnernilluunniit attuumassutilinnik piunasaqarnerup annertusisinnaanera Naalakkersuisunit eqqumaffigineqarpoq.

Taamaattumik Naalakkersuisunit sumiiffimmi inuussutissarsiutinut ilinniartitaanerit pioreersut aaqqiissutaasinnaasut, ineriartornermut tapertaasinnaasut, tamatumalu kingorna sumiiffimmi ilinniarniartitaanerit pisariaqartut, taamaalillunilu najukkami sulisinnaasut salliutinneqarnissaannik qulakkeerisoqarnissaa pillugit oqaloqatigineqarput."

Kiisalu apeqputip akineqarnissaanut Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfik oqaaseqartinneqarpoq, tassanngaanniillu ilisimatitsissutigineqarpoq:

"Naalakkersuisut isumaqarput, kalaallit aatsitassarsiornermut ilinniarfiinik annertusaanissaq pilersitsinerlu sumiiffimmi sulisartut kalaallit suliffissuaqarnermi suliassanik amerlanerusunik immikkoorteqarnerusunillu isumagisaqalernissamut ilinniartitaaneritut piginnaanngorsarnerinullu pingaaruteqartorujussuusoq. Kisiannili Nanortalimmi aatsitassarsiornermut ilinniartitaanermut immikkoortortamik pilersitsinikkut tamanna anguneqarsinnaanersoq nalorninarpoq. Kalaallit Nunaanni sumiiffinni amerlasuuni aatsitassaqaqarnermi sulianik ingerlatsisoqarpoq, aammalu oqaluttuarisaaneq eqqarsaatigalugu paasinarsisimavoq, aatsitassarsiornerit sumiiffinni assigiinngitsuni piffissanilu assigiinngitsuni ingerlanneqartartut. Taamaattumik naliliisoqarpoq, ilinniarfinnik piujuartussanik pilersitsisoqassappat taakku qanitaanni aatsitassarsiornerit aalajangersimasut ataatsit marlulluunniit kisimik eqqarsaatigineqannginnissaat pingaaruteqartoq."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede